

ICFJ Lansa TV Online Foun

Sentru Internasional ba Jornalista (ICFJ), Sesta-Feira (13/3) semana kotuk iha ICFJ Bairo Formosa Dili, ofisialmente lansamentu servisu nütisia TV Online foun ho naran www.timortoday.com, ne'ebé sei oferese istória oi-oin ne'ebé iha impaktu ba povu TL nia moris lor-loron.

Diretor ICFJ Chuck Rice iha nia lia nia diskursu afirma katak timortoday.com sei oferta istória oi-oin ne'ebé iha impaktu ba povu Timor Leste nia moris lor-loron. Istória sira ne'e sei bele haree iha vídeo, audio, print no sei bele iha língua tolu, Inglês, Tetum no Português.

Chuck Rice hatutan katak, nütisia sira ne'e sei produs no hakerek husi jornalista sira husi fatin barak iha Timor, ho jornalista sira ne'e sei uza fasilidade produsaun sira ne'ebé tau iha uma média rejional lima iha Timor Leste. Uma média rejional sira ne'e sentru rekursu ne'ee dezeña ba jornalista sira iha ne'ebé sira bele asesu ba fasilidade média sira,

treinamentu, no servisu seluk tan ne'ebé ICFJ fornese. Fasilidade sira ne'e tolu loke ona iha Distritu Ermera, Dili no Baucau. Uma média seluk sei loke iha, Suai Oecusi iha fulan Abril ne'e nia laran

S e r e m o n i a lansamnetu husi Charges D'Affaires Embaixada Estados Unidos Amerika Henry Rector, Embaixador Australia Peter Heiward, assistente husi média print no média elektrónik iha TL

Wanhira nütisia sira ne'e kompleta iha Distritus, jornalista sira sei bele hatama sira nia pakote vídeo sira liu husi internet ne'ebé lalais iha uma média sira. Ba uma média iha Dili, iha ne'ebé produsaun final hotu sei halo molok istória ne'ebé bele hatutan ba www.timortoday.com

Jornalista sira ne'e tuir ona treinamentu intensivu iha Distritu husi Lusse Coutier. Sira sei continua sira nia treinu iha Dili ho guia husi treinador média Gabriela Carrascalão Heard no Casemiro da Cruz. Sira nain rua mós lidera hela

ekipa jornalista ida ne'ebé kompostu husi ema nain hitu inklui staf ICFJ nain rua. Treinu jornalista Timoroan sira kona ba oinsa produz pakote istória ka nütisia. Partisipante sira hotu sei continua treinu maske sira hahu ona produs istória ba

www.timortoday.com Barak husi jornalista ne'ebé servisu iha Distritu sira ne'e feto ne'ebé hola perte iha treinamentu ICFJ ida ne'ebé halo espesifikamente nu'udar parte husi programa mainstreaming jeneru ne'ebé enkoraja feto sira atu asplora jurnalizmu nu'udar dalan ida ba kareira.

Aktividade ida ne'e nu'udar parte husi programa tinan lima, \$5,5 milliaun "husi programa Hametin Média Independente" ne'ebé hetan suporta conjunta husi USAID no AusAID kontribui AU\$ 1.25 milliaun ba programa ne'e

Liu husi "programa Hametin Média Independente," ICFJ servisu atu hadia abilidade jornalista Timoroan sira atu produz no disemina nütisia

ne'ebé qualidade a'as no haluan sira nia alkansa produ tu informasaun média sira ba sidadaun Timor Leste sira hotu.

ICFJ mós enfatiza treinamentu ba treinador jurnalizmu Timor Leste nian no dezvoltimentu ba ambiente lagal ida ne'ebé permite ema profisional média sira atu hala'o sira nia servisu.

Iha parte seluk Charges D'Affaires Embaixador Estados Unidos Amerika hateten katak média Online importante para bele hari'i aas prinsípiu demokrátiku sira demokrasia nia.

"Tamba ne'e ami kontente ho razaun ida ne'e ami servisu hamutuk ho ICFJ atu nune'e sentru jornalistas bele hadia habilidades profisional iha área média nian iha Timor Leste iha sosiedade ne'e ho livre. Servisu jornalista importante teb-tebes atu bele fó informasaun ne'ebé lós no ladefende ema ida. Iha dezvoltimentu ne'e investimentu ida ne'e ba futuro Timor Leste.

Iha fatin hanesan

Embaixador Australia Peter Heiward koalio katak, ho buat hirak ne'e povu, sosiedade demokrátiku ida nia laran.

"Husi ne'e haree mos sira nia akontabilidade ho responsabilidade ne'ebé importante ba sira nia nai ulun sira maibé Estadu mós iha responsabilidade importante ba servisu imprensa liberdade imprensa nia jornalista sira tenki bele hala'o iha sira nia servisu, La'o husi uma grupu média intermediasaun no mós hahalok a'at seluk bele sei obstákulu ba sira nia servisu ba reporter sira la bele tau fo sai lia lós ho nain ulun ka lider husi nasaun demokrátiku ida nian no mós la bele tau katak hetan informasaun lós atu fó sai ba públuku", hateten Peter Heiward.

Alende ne'e Embaixador Peter Heiward mós deklar katak, kontente servisu hamutuk ho ICFJ atu hahú web side ida ne'e. Ho espektivamente ba nasaun atu ajuda ba iha área rural sira no tulun fasilita fo informasaun ba iha área rural

LJ-1/ LJ-2/JND-04